

de actuación en caso de emerxencia, que se atopará disponible en letreiros ben visibles.

Artigo 31. *Plan de revisións.*

Cada almacenamento terá un plan de revisións propias para comproba-la dispoñibilidade e bo estado dos elementos e instalacións de seguridade e equipo de protección individual. Manterase un rexistro das revisións realizadas. O plan comprenderá a revisión periódica de:

a) Duchas e lavaollos: as duchas e lavaollos deberán ser probados, como mínimo, unha vez á semana, como parte da rutina operatoria do almacenamento. Faránselle constar tódalas deficiencias ó titular da instalación e este proverá a súa inmediata reparación.

b) Equipos de protección individual: os equipos de protección individual revisaranse periodicamente, seguindo as instrucións dos seus fabricantes/subministradores.

c) Equipos e sistemas de protección contra incendios.

Artigo 32. *Plan de emerxencia interior.*

Cada almacenamento ou conxunto de almacenamentos dentro dunha mesma propiedade terá o seu plan de emerxencia interior. O plan considerará as emerxencias que poden producirse, a forma precisa de seren controladas polo persoal do almacenamento e a posible actuación de servizos externos. Terase en conta, cando proceda, a aplicación do Real decreto 1254/1999, do 16 de xullo, polo que se aproban medidas de control dos riscos inherentes ós accidentes graves nos que interveñan substancias perigosas.

O persoal que deba intervir coñecerá o plan de emerxencia e realizará periodicamente exercicios prácticos de simulación de sinistros, como mínimo, unha vez ó ano, debendo deixar constancia da súa realización.

Deberanse ter equipos axeitados de protección individual para intervención en emerxencias. En particular, equipos autónomos de respiración e traxes de protección química, se fose necesario.

SECCIÓN 7.^a MANTEMENTO E REVISIÓNS PERIÓDICAS

Artigo 33. *Xeneralidades.*

Cada almacenamento disporá dun plan de revisións propias para comproba-la dispoñibilidade e bo estado dos equipos e instalacións, que comprenderá a súa revisión periódica. Disporase dun rexistro das revisións realizadas e un historial dos equipos e instalacións co fin de comproba-lo seu funcionamento, que non se supere a vida útil dos que a teñan definida e controla-las reparacións ou modificacións que se fagan neles.

Cada empresa designará un responsable das devanditas revisións, propio ou alleo, o cal reunirá os requisitos que a lexislación esixa e actuará ante a Administración como inspector propio naquelas funcións previstas nesta ITC.

Conxuntamente co titular da instalación, o inspector propio actuará ante os organismos de control, cando de acordo coa regulamentación sexa necesaria a inspección completa ou parcial da instalación de almacenamento.

As revisións serán realizadas por un inspector propio ou un organismo de control e do seu resultado emitirase o certificado correspondente.

Artigo 34. *Recipientes.*

Os recipientes de almacenamento de líquidos tóxicos amparados pola presente ITC deberán ser sometidos, como mínimo, cada cinco anos, a unha revisión exterior, e cada dez, a unha revisión interior.

As revisións exteriores dos recipientes incluírán os seguintes puntos:

- a) Fundacións.
- b) Bulóns de ancoraxe.
- c) Tomas de terra.
- d) Niveis e indicadores.
- e) Tubuladuras.
- f) Pintura/illamento.
- g) Asentamentos.
- h) Espesores.
- i) Válvulas e accesorios.

As revisións interiores incluírán a comprobación visual do estado superficial do recipiente ou do recubrimento, así como o control da estanquidade do fondo, en especial das soldaduras.

Durante as revisións interiores dos equipos comprobarase o correcto funcionamento das válvulas de seguridade e/ou os sistemas de alivio de presión e sistemas que eviten a emisión de vapores, desmontándoos se fose necesario para iso.

Artigo 35. *Cubetos e sistemas de drenaxe.*

Conxuntamente coas revisións exteriores dos recipientes asociados efectuarase unha revisión do sistema que inclúa os seguintes puntos:

- a) Estado de cerramentos e/ou os seus recubrimentos.
- b) Estado dos solos e/ou os seus recubrimentos.
- c) Estado das arquetas de drenaxe pluviais/ químicos e a estanquidade de pasamuros.
- d) Operatividade das válvulas de drenaxe.

MINISTERIO DE AGRICULTURA, PESCA E ALIMENTACIÓN

9094 *REAL DECRETO 409/2001, do 20 de abril, polo que se establecen as regras xerais de utilización de indicacións xeográficas na designación de viños de mesa. («BOE» 114, do 12-5-2001.)*

O Regulamento (CE) 1493/1999, do Consello, do 17 de maio, polo que se establece a organización común do mercado vitivinícola, que derogou a anterior, establecida polo Regulamento (CEE) 822/87, regula no capítulo II do seu título V as normas relativas á designación, denominación, presentación e protección de determinados produtos e, en particular, a utilización de indicacións xeográficas.

O citado regulamento, no seu artigo 51, posibilita os estados membros para establecer condicións adicionais para a utilización de indicacións xeográficas na designación de viños de mesa.

Así mesmo, o punto A.2.b) do anexo VII do mesmo regulamento, prevé que poderá utilizarse na designación dun viño de mesa con indicación xeográfica a mención «viño da terra», acompañado do nome da unidade xeo-

gráfica, e, nese caso, non será obrigatoria a denominación «viño de mesa».

A Orde do 11 de decembro de 1986 pola que se establecen as regras de utilización de nomes xeográficos e da mención «viño da terra» na designación de viños de mesa, desenvolveu as previsións da entón vixente normativa comunitaria, relacionándose nos seus anexos os nomes e as características deses viños. O contido dos citados anexos foi periodicamente actualizado para ter en conta as modificacións introducidas polas comunidades autónomas no exercicio das súas competencias; a última actualización produciuse por Orde do 23 de decembro de 1999.

A experiencia acumulada en máis dunha década de vixencia da citada orde, así como a conveniencia de adaptala á nova normativa comunitaria, puxeron de manifesto a necesidade da súa modificación.

Igualmente, a importancia social e económica do sector español dos viños de mesa esixe a súa expansión no mercado, potenciando e desenvolvendo as posibilidades de comercialización dos viños de mesa con indicación xeográfica.

Este real decreto dítase ó abeiro do disposto no artigo 149.1.13.^a da Constitución, que lle atribúe ó Estado a competencia exclusiva en materia de bases e coordinación da planificación xeral da actividade económica.

Na súa elaboración foron consultadas as comunidades autónomas e os sectores afectados.

Por todo isto, por proposta do ministro de Agricultura, Pesca e Alimentación, coa aprobación previa do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 20 de abril de 2001,

DISPÓN O :

Artigo 1. *Obxecto.*

Este real decreto regula o emprego de indicacións xeográficas e da mención «viño da terra» na designación de viños de mesa elaborados en España, de conformidade co disposto no artigo 51 e no anexo VII do Regulamento (CE) 1493/1999, do Consello, do 17 de maio, que establece a organización común do mercado vitivinícola.

Artigo 2. *Delimitación da zona.*

O territorio vitícola que responda ó «nome dunha unidade menor que o Estado membro», conforme o previsto no número 1 do artigo 51 do Regulamento (CE) 1493/1999, independentemente da súa amplitude, delimitarase tendo en conta unhas determinadas condicións ambientais e de cultivo que lles poidan conferir ós viños características homoxéneas.

Artigo 3. *Requisitos para a utilización de indicacións xeográficas na designación dos viños de mesa.*

1. Para que un viño de mesa poida utilizar na súa designación unha indicación xeográfica deberán concretarse, polo menos, os seguintes aspectos:

- Identificación da indicación xeográfica que se empregará.
- Delimitación da área xeográfica abranguida.
- Indicación das variedades de videira aptas.
- Tipos de viños ós que lles é aplicable a indicación xeográfica.

2. A utilización na etiquetaxe dun viño de mesa do nome da unidade xeográfica a que se refire o artigo 2

estará supeditada a que este viño sexa obtido integramente a partir das variedades designadas expresamente e de acordo coa vixente clasificación de variedades de videira por unidades administrativas, e que proceda exclusivamente do territorio delimitado do que leve o nome.

Artigo 4. *Requisitos para a utilización da mención «viño da terra» acompañando a unha indicación xeográfica na designación dos viños de mesa.*

1. Ademais do sinalado no artigo anterior, para os viños con dereito á mención «viño da terra», teranse en conta na súa regulación:

- A graduación alcohólica volumétrica natural mínima dos diferentes tipos de viño con dereito á correspondente indicación xeográfica.
- As características organolépticas propias de cada tipo de viño con dereito á correspondente mención.

2. A mención «viño da terra» acompañará, na etiquetaxe dos viños con dereito a ela, á indicación xeográfica que se empregará.

Artigo 5. *Administracións competentes.*

1. Correspóndelles ás comunidades autónomas establecer os requisitos mencionados no artigo 3 e, de se-lo caso, o artigo 4, para a utilización dunha indicación xeográfica na designación dun viño de mesa, cando a área xeográfica correspondente a tal indicación estea incluída no seu territorio.

2. Correspóndelle ó Ministerio de Agricultura, Pesca e Alimentación establecer os requisitos mencionados no artigo 3 e, de se-lo caso, o artigo 4, para a utilización dunha indicación xeográfica na designación dun viño de mesa, cando a área xeográfica correspondente a tal indicación exceda o ámbito territorial dunha comunidade autónoma.

Artigo 6. *Procedemento de aprobación dunha indicación xeográfica para designar un viño de mesa a competencia do cal lle corresponde ó Ministerio de Agricultura, Pesca e Alimentación.*

1. En relación coa competencia do Ministerio de Agricultura, Pesca e Alimentación, unicamente poderán aprobarse indicacións xeográficas se estas están vinculadas á mención «viño da terra».

2. Poderán solicita-la aprobación e regulación dunha indicación xeográfica para designar un viño de mesa os produtores de uva ou elaboradores de viño, ou as súas agrupacións, da zona xeográfica en cuestión.

3. Esta solicitude, dirixida ó ministro de Agricultura, Pesca e Alimentación, presentárase na Dirección Xeral de Alimentación ou en calquera dos lugares previstos no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

4. Toda solicitude deberá leva-la seguinte documentación anexa:

- Acreditación da condición dos solicitantes como produtores e/ou elaboradores de viño de mesa na área xeográfica.
- Estudio que describa as condicións ambientais e de cultivo e que demostre que estas lles confiren ós viños da zona en cuestión características homoxéneas que se salientarán expresamente.
- Proposta de regulación da utilización da indicación xeográfica na que se determinen, polo menos, os aspectos enunciados nos artigos 3 e 4.

5. O ministro de Agricultura, Pesca e Alimentación, unha vez valorada a documentación presentada e tralo informe das comunidades autónomas afectadas, regulará a utilización da indicación xeográfica mediante a aprobación da correspondente orde.

6. Para a regulación da utilización das indicacións xeográficas que aprobe o Ministerio de Agricultura, Pesca e Alimentación, serán de aplicación, ademais dos requisitos previstos nos artigos 3 e 4 deste real decreto, os seguintes extremos:

a) Os contidos máximos en anhídrido sulfuroso total, dos viños con dereito á mención «viño da terra» dispostos para o consumo que contén cun nivel en azucres residuais inferior a 5 gramos por litro, serán os seguintes: 200 miligramos por litro para os viños brancos e rosados; 150 miligramos por litro para os viños tintos.

Se os viños teñen máis de 5 gramos de azucres residuais por litro, os límites serán os seguintes: 250 miligramos por litro para os viños brancos e rosados; 200 miligramos por litro para os viños tintos.

b) A acidez volátil dos viños dispostos para o consumo non será superior a 0,8 gr/l expresada en ácido acético, salvo os que fosen sometidos a algún proceso de crianza, caso no que este límite non será superior a 1 gr/l, sempre que a súa graduación alcohólica sexa igual ou inferior a dez graos. Para os viños con crianza de maior graduación, este límite de acidez volátil será incrementado en 0,06 gramos por cada grao de alcohol que exceda dos dez graos.

c) Referencia ó organismo de certificación que deberá ser autorizado, para cada caso, polo Ministerio de Agricultura, Pesca e Alimentación.

Artigo 7. *Deber de colaboración.*

1. As comunidades autónomas comunicaranlle ó Ministerio de Agricultura, Pesca e Alimentación as indicacións xeográficas que autoricen no seu ámbito territorial para a designación dos viños de mesa.

2. O Ministerio de Agricultura, Pesca e Alimentación publicará periodicamente no «Boletín Oficial del Estado» a lista actualizada de tódalas indicacións xeográficas autorizadas para a designación de viños de mesa e, posteriormente, comunicará á Comisión da Unión Europea en cumprimento da normativa comunitaria.

Disposición adicional única. *Título competencial.*

Este real decreto promúlgase ó abeiro do previsto no artigo 149.1.13.^a da Constitución, que lle atribúe ó Estado a competencia exclusiva sobre bases e coordinación da planificación xeral da actividade económica.

Disposición transitoria única. *Réxime transitorio para a utilización das indicacións xeográficas preexistentes.*

1. Os viños de mesa con indicacións xeográficas elaborados antes da entrada en vigor deste real decreto e que cumpran a normativa establecida nas ordes do 11 de decembro de 1986 e do 23 de decembro de 1999, pero non se axusten ó disposto nel, poderán seguir comercializándose con esas indicacións xeográficas ata o final de existencias.

2. As indicacións xeográficas aprobadas con anterioridade á entrada en vigor deste real decreto, e que non cumpran co disposto nel, poderán seguir utilizándose, se tivesen dereito a iso conforme a normativa establecida nas ordes do 11 de decembro de 1986 e do 23 de decembro de 1999, durante un período máximo

dos tres anos seguintes á entrada en vigor deste real decreto.

Disposición derogatoria única. *Derrogación normativa.*

Sen prexuízo do contido na disposición transitoria única, quedan derogadas as ordes deste departamento do 11 de decembro de 1986 e do 23 de decembro de 1999.

Disposición derradeira primeira. *Facultade de desenvolvemento.*

Facúltase o ministro de Agricultura, Pesca e Alimentación para que, no ámbito das súas competencias, dicte cantas disposicións sexan necesarias para o desenvolvemento e aplicación deste real decreto.

Disposición derradeira segunda. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 20 de abril de 2001.

JUAN CARLOS R.

O ministro de Agricultura, Pesca e Alimentación,
MIGUEL ARIAS CAÑETE

9095 *REAL DECRETO 441/2001, do 27 de abril, polo que se modifica o Real decreto 348/2000, do 10 de marzo, polo que se incorpora ó ordenamento xurídico a Directiva 98/58/CE, relativa á protección dos animais nas explotacións gandeiras. («BOE» 114, do 12-5-2001.)*

O Real decreto 348/2000, do 10 de marzo, polo que se incorpora ó ordenamento xurídico a Directiva 98/58/CE, relativa á protección dos animais nas explotacións gandeiras, foi dictado coa finalidade de protexelos animais nas explotacións gandeiras, así como de evitar distorsións no desenvolvemento da produción e propicia-lo bo funcionamento da organización do mercado dos animais.

Una vez publicado oficialmente, presentáronse cuestións de carácter competencial en relación co seu artigo 5, relativo ás inspeccións e controis das explotacións gandeiras derivados das actuacións da Unión Europea, que motivaron, por razóns de seguridade xurídica e como salvagarda das competencias que tanto o Estado como as comunidades autónomas teñen na materia, a necesidade da súa modificación.

Na súa tramitación foron consultadas as comunidades autónomas e as entidades representativas do sector afectado.

Na súa virtude, por proposta do ministro de Agricultura, Pesca e Alimentación, de acordo co Consello de Estado e logo de deliberación do Consello de Ministros na súa reunión do día 27 de abril de 2001,

DISP O Ñ O :

Artigo único. *Modificación do Real decreto 348/2000, do 10 de marzo, polo que se incorpora ó ordenamento xurídico a Directiva 98/58/CE, relativa á protección dos animais nas explotacións gandeiras.*

O artigo 5. Controis da Comisión Europea, queda redactado da seguinte forma: